

Kerajaan tak sekat ahli akademik bahas isu 3R

Kebebasan bersuara tak pernah dinafikan, namun pandangan mesti beri manfaat

Oleh Mohd Nasaruddin Parzi
bhnews@bh.com.my

Kuala Lumpur: Kerajaan tidak menyekat ahli akademik membahaskan isu 3R (raja, agama dan bangsa) selagi mereka tidak menanam kebencian kaum dan menghasut.

Perdana Menteri, Datuk Seri Anwar Ibrahim, berkata kebebasan bersuara tidak pernah dinafikan, namun kebebasan itu mestilah digunakan dengan menahirkkan ucapan, kritikan atau pandangan yang boleh mendedangkan manfaat kepada rakyat dan negara.

Beliau memberi contoh perbuatan menggunakan agama, untuk mendajalkan atau memunafikkan orang lain ialah percapakan yang harus dijauhi.

"Seorang sarjana dari universiti tidak disuruh menjadi pak



Anwar beramah mesra bersama tetamu pada Majlis Memperingati Prof Dr Syed Husin Ali di Universiti Malaya, semalam. (Foto BERNAMA)

turut. Harus bebas bicara dan ini saya tekankan kepada Menteri Pendidikan Tinggi (Datuk Seri Dr Zambry Abdul Kadir).

"Sekiranya ada sekali pun yang bicara tentang 3R, sekatan hanya apabila kenyataan itu sudah melampau, menghasut kaum dan membenci satu sama lain.

"Mengguna agama untuk men-

dajalkan orang, memunafikkan orang dengan mudah dan kalau dalam kalangan rakyat, itu mungkin akan membawa malapetaka dan rusuhan," katanya berucap pada Majlis Memperingati Prof Dr Syed Husin Ali di sini, semalam.

Anwar berkata, kerajaan ber-setuju mewujudkan Kursi Husin

Ali di Universiti Malaya (UM) sebagai mengenang sumbangan serta mengkaji secara mendalam pemikiran Syed Husin memperjuang hak rakyat.

Katanya, beliau sudah meminta Zambry berbincang dengan ahli keluarga Syed Husin bagi memenuhi tujuan itu.

Imbau curahan pemikiran

"Kursi itu bukan sekadar membicara sosok Husin, tetapi imbauan mengenai curahan pemikiran beliau dalam banyak tajuk. Kemiskinan dan sejarah rakyat yang sedikit sebanyak menyimpang dari aliran pemikiran semasa.

"Saya kebetulan dapat hadam banyak (penulisan) beliau dalam penjara. Hampir semua karya berkaitan feudalisme, kemerdekaan rakyat, itu semua dikirim dan diseludup ke kamar saya di (Penjara) Sungai Buloh dulu," katanya.

Anwar turut meluluskan peruntukan RM200,000 kepada Persatuan Sains Sosial UM, bagi keperluan melakukan kajian khusus untuk menilai karya-karya penulisan Husin Ali.

Allahyarham Syed Husin yang juga bekas Timbalan Pengerusi Majlis Penasihat PKR meninggal dunia di Hospital Selayang pada Jun lalu, ketika usianya 88 tahun.